

蘇軾詩集合注  
入夏出版  
蘇軾詩集合注  
蘇軾詩集合注

# 蘇軾詩集合注

〔宋〕蘇軾著 〔清〕馮應榴輯注 黃任柯朱懷春校點

中國古典文學叢書



下



〔宋〕蘇軾 著

〔清〕馮應榴 輯注

黃任軻 朱懷春 校點

# 蘇軾詩集合注

下

碩易生題



上海古籍出版社

docsriver 文川网  
入驻商家 古籍书城

在文川网搜索古籍书城 获取更多电子书



圖書在版編目(CIP)數據

蘇軾詩集合注 / (宋)蘇軾著; (清)馮應榴輯注;  
黃任軻、朱懷春校點. —上海:上海古籍出版社,  
2001. 6

(中國古典文學叢書)

ISBN 7-5325-2651-8

I. 蘇... II. ①蘇... ②馮... ③黃... ④朱...  
III. 古典詩歌-注釋-中國-宋代 IV. I222.744

中國版本圖書館CIP數據核字(2000)第47082號

中國古典文學叢書

蘇軾詩集合注

(全三冊)

[宋]蘇軾著

[清]馮應榴輯注

黃任軻 朱懷春校點

上海古籍出版社出版

(上海瑞金二路272號)

新華書店上海發行所發行 江蘇如東印刷廠印刷

開本850×1156 1/32 印張91.5 插頁15 字數2,476,000

2001年6月第1版 2001年6月第1次印刷

印數:1-1,600

ISBN 7-5325-2651-8

I·1343 精裝 定價:164.00元

docsriver.com商家古籍书城



蘇軾詩集合注卷三十七 編年詩

古今體詩五十一首

〔查注〕：起元祐八年癸酉九月出知定州，明年甲戌紹聖改元，四月謫惠州，南行過金陵作。

東府雨中別子由

王本送別類，舊王本留別類。「東府」見前感舊詩題注。〔查注〕：魏鶴山集：宋初置三省，與樞密院各分班奏事，謂之二府。神宗時，立東西二府。陳鏗東府記

略云：國朝以來，尚襲唐故，大臣多不及建里第，而寓居民間。乃出聖畫，新創二府，度地於關之西南。自熙寧三年興作，東西府凡八位。明年八月，東府四位告成，詔知制誥臣鏗爲之記。石林詩話：元豐初，建東西府於右掖門之前，每府相對，爲四位，俗謂之八位。張侍郎文裕以詩慶，宰執元厚之和曰：黃閣勢連東鳳翼，紫欄光直右銀臺。蓋東府與東闕相近，西府正直右掖門。樓案：續通鑑長編：元祐八年六月，蘇軾知定州。周益公題跋云：趙偶，東郡人。元豐末知登州，元祐末權中山府，兩得蘇文忠公爲代。互見前余將赴文登詩題注。

庭下梧桐樹

〔王注〕：杜子美詩：西掖梧桐樹，空留一院陰。

三年三見汝。前年適汝陰

〔施注〕：唐地理志：潁州汝陰郡。又見前潁州初別題注。

見汝



鳴秋雨。去年秋雨時，我自廣陵歸。

〔施注〕：唐地理志：揚州廣陵郡。又見前劉賈父詩注。

今年中山去，

〔王注〕：魏曰：案年譜，先生以元祐六年

知穎州，七年知揚州，八年守定州。

〔施注〕：漢地理志：中山國，高帝郡，景帝二年為國。九域志：定州定武軍，有中山城。查注：元和郡縣志：定州，戰國時為中山國，與六國並稱王，地方五百里。漢分趙、鉅鹿置常山、中山二郡。城中有小山，故曰中山。慕容垂建都於此。魏道武改定州。太平寰宇記：河北道定州博陵郡，皇朝為定武軍節度。輿地廣記：政和三年，復改定州為中山府。

定州博陵郡，皇朝為定武軍節度。輿地廣記：政和三年，復改定州為中山府。

白首歸無期。客去莫歎息，

主人亦是客。

〔施注〕：白樂天杏為梁歌：開府之堂將軍宅，造未成時頭已白。逆旅重居逆旅中，心是主人身是客。

對牀定悠悠，夜雨空蕭瑟。

見前辛丑十一

〔月〕詩注。

起折梧桐枝，贈汝千里行。

〔施注〕：老子：千里之行，始於足下。歸一作

來知健否？

〔施注〕：白樂天同友人尋澗花詩：且作來歲期，不知

身健否？

莫忘此時情。

施注引韓退之詩，見前有言郡東北詩注。

### 謝運使

一本無運使二字。

### 仲適座上送王敏仲北使

王本送別類，舊王本同。〔王注〕次公曰：此以下定州詩。〔施注〕：王敏仲名古，文正公

且晉孫，第進士。熙寧中為司農主簿，行推，浙東張若濟獄，劾轉運使王廷老，張脫失職，皆坐兵。歷使諸路，入為郎，進右司郎，太常少卿，奉使契丹，遷戶部侍郎，尋以集賢修撰為江、淮發運使，進寶文閣待

制知廣州。○崇寧黨籍，復朝散郎以沒。先生講惠州，敏仲適帥廣，恩意倍厚，婉問無虛月，往還書帖載集中。檔案：此段施注有殘缺，今以宋史補之。但史傳作太府少卿，長編同，與施注作太常少卿異。

又長編：「元祐三年四月，王古為右司員外郎。」宋史同。可補施注缺字。餘詳查注中。〔查注〕：謝仲適爵里失考。慎按：宋史：「王古，懿敏公家從子，第進士，歷遷戶部侍郎。詳定役法，與蔡京多不

合詔使占兵部。復遣戶部尚書。攻不已，以實文閣直學士知成都。體黨籍，責衡州別駕。獨不載北使事。檀案：宋史本傳明載奉使契丹，即北使也。查氏誤甚。又，余初閱續通鑑長編載：元祐八年二月，淮南等路發運副使謝卿材知相州。而先生自大梁赴定州，必經相州。詩中所叙皆途次相值語，疑卿材即仲適。後閱王昶金石粹編載謝卿材饒益寺題名石刻：「朝散大夫臨涇謝卿材仲適，元豐癸亥被詔自歷下移守馮翊，三月二十六日過饒益寺題。」云云。益確然可信矣。又，樂城集有謝卿材自陝漕徙河北轉運使告辭。

### 衝風振河朔

〔衝風〕見前出都來陳及次韻答子由詩注。〔王注〕：「阮籍詩：寒風振山岡。」〔查注〕：太平寰宇記：河

九十七里。檀案：詩意概言河北，查注專引朔州，誤。

飛霧失太行。

〔王注次公曰〕：太行山在河北。鮑照詩：霧失交河城。〔施注〕：唐地理志：懷州河內縣，有太行山。

相逢不相識，

施注引李太白句，見前盧敬洵詩注。

下馬須眉黃。

洗眼忽驚笑，

〔洗眼〕見後卷四十二海船得書詩施注。

見此玉節郎。

〔王注龜父曰〕：沈括云：古之節如今之虎

符，其用則有圭、璋、琥、虎之別。〔施注〕：周禮：守邦國者用玉節。

喜一作我。

有賢主人，

〔賢主人〕見前廣陵會三同舍詩注。

共惜殘燈。

燭光。

〔施注〕：

杜子美贈衛八處士詩：今夕復何夕，共此燈燭光。互見前游淨居寺詩注。

聚散一夢中，人北雁南翔。

〔王注〕：歐陽文忠送賈推官詩：白雲汾水上，人北雁南飛。〔施注〕：文選魏文帝

雜詩：草蟲鳴何悲，孤雁獨南翔。

吾生如寄耳，見前遊靈隱寺及過雲龍山人詩注。

送老天一方。

〔王注次公曰〕：此先生言其在定州也。〔施注〕：白樂天詩：賈却新昌宅，聊充送老

賢。餘見前戲子由詩注。〔天一方〕見前送朱朝奉入蜀詩注。

幸子遇明主，〔明主〕見前感舊詩注。

陳經入西廂。

〔王注次公曰〕：言王敏仲之在靈隱也。〔施注〕：漢揚雄甘泉賦：浴方

皇於西清。顏師古曰：西清，西廂清淨之處也。

（廂作箱）文選王文考靈光殿賦：西廂踟躕以聞寤。

趨過。王曰：「良史也，子善視之。」

### 書丹元子所示李太白真

查本有「二首」字。王本書畫類，舊王本同。（查注）：慎按：孫紹遠畫集載東坡此詩，自西望太白空峽巖以下另是一首，向來刻本合

而為一者，訛。僧洪覺範所著禁燭謂先生此詩一韻七句方換韻，亦認以為一首也，今據畫集改正。權案：覺範所云似確，不必遽信。畫集之言分作兩首。詩人玉屑平頭換韻法一條亦引禁燭之言，且玩詩

中起結，總括以一首為是。今仍從舊本。

天人幾何同一漚，「一漚」見前九日黃樓及龜山辯才詩注。

謫仙非謫乃其遊。

「謫仙」見前讀杜詩注。

麾斥八極隘九州，

（王注）：莊子田子

方篇：伯昏無人曰：「夫至人者上闕青天，下潛黃泉，揮斥八極，神氣不變。」互見前宿海會寺詩注。又（王注）：曹子建七啟曰：似若狹六合而隘九州。又，施注引楚辭，見前九日次定國韻詩注。

化為兩鳥鳴

相酬。

施注引李太白大鵬賦序：著大鵬遇希有鳥賦以自廣。見前開錢道士詩注。（查）一鳴一止三千秋，

（王注）：韓退之詩：雙鳥海外來，飛飛到中州。一鳥落城市，一鳥巢巖幽。不得相伴鳴，爾來三千秋。還當

三千秋，更起鳴相酬。（次公曰）：退之此詩，或以為言佛老，或以為言李杜，今觀先生詩，則知其言李杜矣。

開元有

道為少留，塵之不可矧肯求？

施注引周易，見前送張安道詩注。

西望太白橫峩峩，

（王注次公曰）：太白，鳳翔山也。峩峩，蜀山也。又引李太白蜀道難詩，

見前雙石詩注。「漢賦」

眼高四海空無人。

〔施注〕：舊唐書王叔文傳：「然自得謂天下無人。」

大兒汾陽中令君。

〔王注〕：〔白樂天〕《樂史》

李翰林集序：嘗客汾州，識汾陽王郭子儀於行伍間，為說其刑責而獎重之。及白坐永王之事，汾陽功成，請以官爵贖罪。上許之。〔施注〕：唐李太白傳：初遊并州，見郭子儀，奇之。子儀嘗犯法，白為救免。及白坐永王璘敗，當誅，子儀請解官以贖。子儀為中書令，封汾陽王。櫛案：中書

令舊每有稱中令者，如續晉陽秋「王獻之為中令」是也。

小兒天台坐忘身。

一本作「賀季真」，一本作「坐忘真」。〔王注〕：李太白大鵬賦序：

予昔於江陵，見天台司馬子微，謂余有仙風道骨，可與神遊八極之表。互見前初入廬山詩注。櫛案：何焯曰：賀季真與天台無涉，當作「坐忘身」也。〔施注〕：司馬子微坐忘論序云：敬尋經旨與心事相應者，著坐忘安心之法，略成七條，以為修道階次。〔查注〕：司馬子微所著坐忘論云：惟滅動心，不滅照心；不依一物，而心常住。有事無事，嘗若無心，此謂正定。定不求慧，而慧自生，此謂真慧。慧而不用，心與道冥。久而行之，自然得道。〔大兒〕「小兒」，舊注引後漢欄衡語，見前和孔郎中

及次韻王蒙六首注。平生不識高將軍，櫛案：舊唐書高力士傳：開元初，加右監門衛將軍。天寶七載，加駝騎大將軍。

作詩一笑君應聞。

手污吾足乃敢瞋，

左右正言、太學國子博士曹  
馬承讓郎，文散官第七品。

### 次韻曾仲錫承議食蜜漬生荔枝

一本有「一首」字。王本花木類，舊王本果實類。〔施注〕：曾仲錫，溫陵人，時為定武倅。〔查注〕：費昶梁溪漫志：

代北寒蠶擣韭萍，〔代北〕見前次韻送將變詩注，餘見前豆粥詩注。

奇苞零落似晨星。

〔五注本李云〕：王逸荔枝賦：「雖離如繁星之著天。」又謝玄暉詩：「曉星正零落，晨光

復決溝。〔施注〕：楚辭屈原離騷：惟草木之零落兮。又引劉禹錫送張盥序，見前次韻僧潛見贈詩注。逢鹽久已成枯腊，得蜜猶疑一作是薄劑。〔枯腊〕見前游

桓山詩注。〔王注〕：蔡君謨荔枝譜：紅鹽者，以鹽梅浸佛桑花為紅漿，投荔枝漬之，曝乾，色紅而甘酸。又，蜜煎者，剥生荔枝，拈去其漿，然後蜜煎煮之。施注：禮記月令：斷薄劑。欲就左慈求拄杖，

〔王注〕：神仙傳：孫討逆見左慈，欲殺之。使行於馬前，欲自後刺之。慈著木屨，拄一竹杖，徐徐而行。討逆著鞭策馬逐之，終不能及。互見前泗州除夜詩注。便隨李白跨滄溟。〔王注〕：李太白臨

江王節士歌：安得倚天劍，跨海斬長鯨。互見前石炭詩注。施注又引杜子美送孔巢父詩，見前次韻讀杜詩注。滄溟〔見前芙蓉城詩注〕。檣案：此聯詩意以荔枝產閩海，故戲言欲得仙術，跨海而鮮食也。觀下文「攀條與立新名字」，「攀條」見前除日見寄詩注。

條與立新名字，〔攀條〕見前除日見寄詩注。〔立名字〕見前洞庭春色詩注。兒女稱呼恐不經。〔公自注〕：俗有十八娘荔枝。〔施注〕：史記封禪書：其語不經見，摺紳者不

道。〔查注〕：蔡君謨荔枝譜：十八娘，色深紅而細長，時人以少女比之。俚傳閩王氏有女第十八，好噉此品，因名。其家在城東報國禪院，家旁猶種此樹云。檣案：王注引此，因查注較詳，故採之。

### 大行太皇太后高氏

一本無高氏二字。

### 挽詞二首

王本傷悼類，舊王本同。〔查注〕：宋史：元祐八年九月，太皇太后高氏崩。九年，上尊號曰宣

仁聖烈太皇太后，葬永裕〔厚〕陵。后亳州人，英宗后也。曾祖瓊，贈魏王，諡武烈。查本附樂城集詩一首，今不載。

至矣吾三后，〔王注次公曰〕：「三后」以言章憲明肅皇后之保佑仁宗，慈聖光憲皇后之保佑英宗，及今大行宣仁聖烈

皇后之保佑元祐天子哲宗。〔施注〕：真宗后章憲明肅劉氏，仁宗后慈聖光憲曹氏，英宗后宣仁聖烈高氏，皆嘗垂簾聽政。〔查注〕：岳珂魏邦錄：本朝帝后廟諱率勝一字，深得古意。真宗

諱章聖，后曰章憲明肅，仁宗諱聖武，后曰慈聖光憲，英宗諱宣孝，后曰宣仁聖烈。

功高漢已還。復推元祐

冠，蓋得永昭全。

〔公自注〕：臣嘗於經筵論奏：仁宗皇帝諡曰明孝；若明而不仁，則民畏而不愛，仁而不明，則民愛而不畏。今大行太皇太后亦兼此二德，故天下思慕，庶幾於仁宗也。〔查注〕：宋史本

紀：仁宗葬水昭陵。

〔王注〕：莊子知北遊篇：大聖不作，觀於天地之謂也。互見前神宗皇帝挽詞注。

無私乃是天。

〔王注〕：禮記：天無私覆。檀案：聞見後錄：文

思院奉上之私無物不具，宣仁后同聽政九年，不取一物，亦無私之一證也。

侍臣談道要，

一作「要道」。〔侍臣〕見前次韻公擇梅花詩注。〔施注〕：孝經：先王有至德要道，以順天下。

家法信家

傳。〔公自注〕：宰相以下嘗於經筵論奏祖宗以來家法十餘事，書於記注。〔家法〕見前送趙軋詩注。

却狄安諸夏，

〔施注〕：公羊傳成公十五年：春秋內其國而外諸夏，內諸夏而外夷狄。檀案：其國者，本國也，故與諸夏分內外。原注作「中國」，誤，今改正。

先王社稷臣。

〔王注〕次公

曰：先王，楚王高瓊也。景德契丹之役，羣臣皆欲避狄，獨萊公不可。武臣中惟楚王與萊公意同。公既爭之力，上曰：「卿文臣，豈獨盡用兵之利害？」公曰：「請召高某。」既至，乃言避狄爲便。公大驚，以王爲悔也。已而徐言：「避狄固爲安全，但恐應駕之士中路逃亡，無與俱西南者耳。」王大驚，始決北征之策。此真所謂「社稷臣」矣。〔施注〕：禮

記：衛獻公曰：「有臣柳莊也者，非寡人之臣，社稷之臣也。」〔查注〕：東都事略：高瓊，燕人。父乾，徙亳州之蒙城。事太宗於潛邸。景德初，契丹入寇，真宗親征。有勸帝南還者，瓊言契丹師衆已老，宜親臨觀兵，督其成功。真宗幸瀋州，瓊固請渡河。至浮橋，駐蹕未進。瓊乃執提（祝）（築）筆夫背，曰：「何不亟行？今已至此，復何疑！」真宗乃命進

筆。既至，登北門城樓，張黃龍旂，將士皆呼萬歲，氣勢百倍，契丹遂退。

固應祠百世，

〔王注〕：左傳昭公八年：史趙對晉侯曰：「臣聞盛德必百世祀。」〔施注〕：史記陳世家：盛德之後，必百世祀。

何止

活千人。

〔王注〕：後漢后妃紀：鄧后，太傅禹之孫，父訓。后嘗夢捫天，后叔父該言：「嘗聞活千人者，子孫有封。兄訓爲諷者，使修石曰河，歲活千人。天道可信，家必蒙福。」互見前程德孺生日詩注。

定策

天知我，〔王注次公曰〕：言宋神宗與太后定議，立元祐天子哲宗也。檀案：原注神宗誤刊作英宗，今校正。〔施注〕：漢霍光傳：定萬世策，以安社稷。〔查注〕：宋史：哲宗爲神宗第六子，生熙寧九年。初封均國公。〔元

豐五年，進封延安郡王。八年二月，神宗不豫，猶未立太子也。皇太后垂簾福寧殿，諭宰相王珪等奉制立延安爲太子，四日而神宗晏駕。邵氏見聞後錄引哲宗實錄云：神宗彌留，后勅中人梁惟簡令製一黃袍，十歲兒可衣者，蓋爲上倉卒踐詐之備。神宗、太后所以屬意於上者，確然先定，無纖芥可疑。邢恕者，傾危士也，反謂后欲捨延安而立其子頤，糧已及章惇、蔡確，得無變。王定國聞見錄：武臣王棫爲邢恕教，令童誣宣仁於哲宗有異心。恕又教蔡惲等上書論元祐及元賢末事，其書一篋，皆怨手筆。棫於哲宗朝得開門職名，慎按：小人樹黨冒恩，敢於離間骨肉，構造無根，釀成殃禍。始謀者蔡確，而成於傾邪罔上之邢恕，浸尋至于蔡卞，甚且創追廢聖母之議。賴哲宗仁孝，不納其言。不然，宣仁被辱，幾不白於身後。先生詩云：「定策天知我」，其旨微矣。續通鑑長編：元豐八年正月戊戌，上腹疾。二月癸巳，上疾甚。王珪言：「去冬奉旨：『延安王來春出閣。』願早建東宮。」上肯首。又乞太后權同聽政，上亦肯首。太后辭，珪等請再三，太后泣許。先是，蔡確與邢恕謀固位計，恕故與太后姪公綸、公紀交。確嘗遣恕要二人，辭不往。明日，又招至東府。確曰：「宜往見邢職方。」恕曰：「家有桃著白花，可愈人主疾，幸留一觀。」入中庭，紅桃花也，驚曰：「白花安在？」恕執二人手，曰：「右相令布腹心，延安冲幼，雍、曹皆賢王也。」公綸等懼，曰：「君欲禍我家。」徑去。已而恕反，雍王有覬覦心，太后將立之，王珪實主其事。與內殿承制致仕王棫共造誣語，欲借此以陷珪。他日，恕語確曰：「延安出閣，上去冬固有成言。公盍亟于上前發其端？」又曰：「第告子厚，同列勿使知。」惇即許諾。仍約知開封府蔡京，以其日領壯士待變于外廷。是日，三省十樞密院南廳共議。珪口吃，連稱是字數聲。徐曰：「上有子，復何議？」確惇無如珪何。尋入奏，得請。俱出，遂雍王頤、曹王頤于殿門外。惇史厲聲曰：「已立延安爲太子，奈何？」頤曰：「天下幸甚。」又：元符元年三月，章惇、蔡卞恐元祐諸臣一旦復起，日夜與邢恕謀所以排陷之計。既再追貶呂公著、司馬光，又責呂大防、劉摯、梁燾、范祖禹、劉安世等過樹。意猶未懌，仍用黃履疏高士英狀追貶王珪，皆誣以圖危上躬。其言浸及宣仁朝烈皇后，上頗亦惑之。最後起同文館錄，將悉誅元祐舊臣。納結宦者郝隨爲助，專媒孽垂簾時事。建言欲追廢宣仁聖烈皇后。惇、卞自作詔書，請上詣靈殿宣讀施行。太后方寢，聞之遽起，不及納履，號哭謂上曰：「吾日侍崇慶，大日在上，此語曷從出？且上必如此，亦何有于我？」皇太后同皇太后諫上，語極悲切。上感悟，取惇、卞奏就燭焚之，禁中相慶。隨規知，亟以語惇、卞。明日再具奏，亟乞施行。上怒曰：「卿等不欲朕入英宗廟乎？」抵其奏於地。張士良者，前竄雷州，惇、卞逮赴詔獄，欲使證宣仁聖烈皇后果有廢立意。及士良至，既以舊御藥告，並列鼎鐸刀

錫置前，謂之曰：「言有即還舊官，言無則死。」士良仰天哭曰：「太皇太后不可誣，天地神祇何可欺也！乞就戮。」（京）悼（下）無如之何，但以陳衍罪狀塞，宣仁聖烈追廢之議由是得息。

忘家帝念親。

〔施注〕：漢賈誼傳：爲人臣者，主耳忘身，國耳忘家，公耳忘私。

萬方何以報，得疾爲勤民。

## 再次韻

一作「和」。

## 曾仲錫荔支

一本有「首」字，王本花木類，舊王本果實類。

柳花著水萬浮萍，

見前望夫臺及杜奕秀才詩注。

荔實周天兩歲星。

〔公自注〕：柳至易成，飛絮落水中，經宿卽爲浮萍。荔支至難長，二十四五年乃實。〔施注〕：左傳

襄公九年：晉侯問公年，曰：「十二年矣，是謂一終，一星終也。」杜預曰：歲星十二歲而一周天。

本自玉肌非鶴浴，

〔玉肌〕見前送牛尾狸詩注。〔施注〕：莊子天運篇：鶴不日浴而白，烏不日黔而黑。

至今丹殼似猩刑。

〔王注〕：華陽國志：水昌郡有猩猩，其血可染朱纈。互見前贈狄崇班詩注。〔施注〕：白樂天無微詩：猩猩疑血點，瑟瑟感金筐。〔查注〕：荔支譜有猩猩之名。

侍郎賦

詠窮三峽，

〔王注次公曰〕：侍郎指白樂天也。樂天在忠州，有題郡中荔支詩十八韻，又有戲楊君亦種荔支四韻，又有重寄荔支與楊使君詩，又有種荔支詩，又有荔支樓對酒小詩。〔施注〕：九域志：忠州，隸夔州路。三

峽，山在夔州。

妃子烟塵動四溟。

〔王注〕：唐書：楊貴妃嗜荔支，必欲生致之，乃置騎傳送，走數千里，味未變，已至京師。杜牧之過華清宮詩：一騎紅塵妃子笑，無人知是荔支來。〔四溟〕見前去

〔施注〕：楚辭離騷經序：離騷之文，依詩

莫遣詩人說功過，且隨香草附騷經。

〔王注次公曰〕：離騷載芳草，如蘭蕙、椒蘭、江蘺、薛芷、留夷、揭車之屬。〔施注〕：楚辭離騷經序：離騷之文，依詩

取興，引類譬喻。故善鳥、香草以配忠貞，惡禽、臭物以比讒佞。



### 次韻滕大夫

一作

### 三首

王本泉石類，舊王本同。〔施注〕：滕大夫名興公，海陵人。時爲定武一文。〔查注〕：滕大夫字希靖，時與李端叔同爲定州倅。見姑溪集。櫛

案：續通鑑長編元祐四年十二月載齊州通判滕希靖管勾開修徐州呂梁、百步兩洪月河，石堤上下置隨事。其爲定倅年月無考。但據長編，則希靖爲滕大夫之名，與施、查二注互異。

### 雪浪石

〔查注〕：本集雪浪齋銘引云：予於中山後園得黑石，白脈，如蜀孫位、孫知微所畫，石間奔流，盡水之變。又得白石曲隅，爲大盆以盛之，激水其上，名其室曰雪浪齋。名勝志：雪浪齋故

址在文廟後。櫛案：墨莊漫錄：後請惠州，雪浪之名遂廢。元符中，張芸叟守中山，軍安益石，方欲作詩寄公，聞公之薨，乃作哀辭云云。張芸叟畫愛集蘇子瞻哀辭：「石與人俱貶，人亡石尚存。如麟堅重質，不減浪花痕。滿酌山中酒，重添丈八盆。公兮不歸北，萬里一招魂。」即指此石也。查本附子由李端叔、晁无咎、秦少游、張文潛各次韻詩。櫛案：參寥集亦有次韻詩，查氏何獨遺之。今皆不載。

太行西來萬馬屯，

〔太行〕見前  
謝運使詩注。

勢與岱岳爭雄尊。

〔王注〕：杜子美木皮嶺詩：  
始知五嶽外，別有他山尊。

飛狐上黨天下脊，

〔王注〕：杜牧之賈平澤游啟曰：上黨之地肘京洛而履蒲津，倚太原而跨河朔。戰國時張儀以爲天下之脊，建中日田悅名曰腹中之眼。牧之詩又云：上黨爭爲天下脊，邯鄲四十萬秦坑。〔施注〕：唐文粹鄭亞會昌一品集序：上黨居天下之脊，當河朔之喉。史記張儀傳：席卷常山之嶺，必折天下之脊。〔查注〕：元和郡縣志：蔚州飛狐縣，縣北有飛狐口，開皇長城在飛狐界。漢書：擊食其說漢下口：「杜白馬之津，塞飛狐之口。」皆一方之阻也，亦謂之飛狐道。九域志：

docsriver 文川网  
入驻商家 古籍书城

在文川网搜索古籍书城 获取更多电子书

河東路隴德府，潞州上黨郡，昭德軍節度使。釋名曰：黨，所也。在山上，其所最高，故曰上黨。餘見前和人假山詩注。

半淹落日先黃昏。削成山東二百郡。〔削成〕

蕩山圖詩注。〔王注次公曰〕：古所謂山東，乃今之河北，晉地是也。今所謂山東，乃古之齊地，齊是也。杜牧云：「山東王不得不得，霸不得不得。」指今之河北也。謂之山東，蓋太行山之東也。〔山東二百郡〕：正謂太行以東冀州之域矣。杜子美詩：「漢家山東二百州，千村萬落生荆棘。」〔商老曰〕：杜子美詩：「漢家山東二百州，削成如案抱青丘。」

灑漫山東二百州，削成如案抱青丘。〔商老曰〕：杜子美詩：「漢家山東二百州，千村萬落生荆棘。」〔商老曰〕：杜子美詩：「漢家山東二百州，削成如案抱青丘。」

### 氣壓代北三家村。

〔代北〕見前次韻送蔣曼

詩注。又〔王注次公曰〕：代北則燕，趙以往之地也。傳燈錄：僧問：「竟脫和尚，如何佛法？」師曰：「三家村裏。」〔施注〕：傳燈錄：道吾師曰：「三家村裏賣下，東下西下，忽然下著也不定。」〔查注〕：漢書：梅福曰：「代谷者，恆山在其南，雁塞在其北，上谷在東，代郡在西。」元和郡縣志：代州雁門郡，春秋晉地。隋開皇五年，置代州。北至朔州一百二十里。按：定州在代之北。故云。唐王季友詩：百姓惟有三家村。

千峰右。〔一作〕卷蠹牙帳。〔櫛案〕：杜子美詩：「聞道君牙帳。」崩崖鑿斷開土門。

〔施注〕：唐李光弼傳：以朔方兵五千出土門，東救常山。〔查注〕：太平寰宇記：井陘口，今名土門口，即太行八陘之第五陘也。困學

紀聞：土門口在鎮州獲鹿縣，即井陘關也。互見前雲龍山觀燒詩注。竭來城下作飛石，一礮驚落天驕魂。

〔施注〕：原及卷七再和詩注。此物僵卧枯榆

仁閑居賦：礮石雷駭。〔天〕承平百年烽燧冷，〔施注〕：漢食貨志：師丹建言限民田，云

「今累世承平。」互見前次韻貢父種竹詩注。畫師爭摹雪浪勢，〔雪浪〕見前將

明書：僵卧深壑。至滿口詩注。天工不見雷斧痕。〔雷斧〕見前太虛以黃樓賦

藏器本草云：霹靂鉞，伺候震處，掘地三尺得之。其形非一，亦有似斧刃者。注曰：出雷州并河東山澤

間，因雷震後得，多似斧形。〔施注〕：國史補：雷州多雷，秋冬伏地中，人取得雷斧，雷壘，可以爲藥用。離堆四面

繞江水，坐無蜀士誰與論？〔舊注〕引蜀守李冰鑿離堆

事，見前西山詩和者詩注。老翁兒戲作飛雨，〔舊注〕引離退之盆池詩，見前初

入廬山及雙石詩注。〔兒戲〕見

前魏徐州詩注。「飛雨」見前有美堂暴雨詩注。  
又〔施注〕：文選張景陽雜詩：飛雨灑朝闈。

把酒坐看珠跳盆。

〔把酒〕見前哭刁景純詩注。〔跳珠〕，施注引白樂天三遊洞序，見前游三遊洞題注。

此身自幻孰非夢？

〔夢幻〕見前王廷老退居詩注。

故國一作國山水聊心存。

〔施注〕：文選潘安仁嘉婦賦：心存兮目想。

同前

一本無二字。查本附李端叔次韻東坡和鑿希靖雪浪石詩，今不載。

我頃三章乞越州，

見前七年九月詩注。

欲尋萬壑看交流。

舊注引顧愷之語，見前武昌西山及郭熙秋山平遠詩注。

且憑造物開山骨，

〔山骨〕

見前佛日山詩注。

已見天吳出浪頭。

〔公自注〕：石中有似海獸形狀。〔王注〕：山海經：朝陽之谷，神曰天吳，是為水伯。其為獸也，八首人面，八手八尾。〔施注〕：山海經：天吳八首十尾。郭注

〔公自注〕：石中有似海獸形狀。〔王注〕：山海經：朝陽之谷，神曰天吳，是為水伯。其為獸也，八首人面，八手八尾。〔施注〕：山海經：天吳八首十尾。郭注

口：水伯。互見前和邵同年詩注。檔案：李洞詩：夢枕浪頭春。

履道鑿池雖可致，

〔施注〕：唐白居易傳：東都所居履道里，疏沼種樹，構石樓香山，鑿八節灘。互見前去杭十六年詩注。

玉

川卷地若為收。

〔王注續曰〕：盧全白號玉川子，作客謝并詩云：我縱有神力，爭敢將公歸？揚州惡百姓，疑我卷地皮。

洛陽泉石今誰主？莫學癡人李

與牛。

見前次韻和劉京兆及至真州再和詩注。又，〔王注次公曰〕：牛僧孺嗜太湖石，有小大，其數四等，以甲、乙、丙、丁品之，每品有上、中、下，各刻於石陰，曰「牛氏石」。又，李德裕平泉莊，在洛陽之南，周回十里，多奇石

異石。人題詩曰：「隴右諸侯供瑞石，日南太守送名花。」〔施注〕：賈氏談錄：「賈皇公平泉莊，周回四十里。天下奇石異草，珍松怪石，靡不畢致。今悉以絕矣。怪石名品甚衆，各為洛陽大族有力者取去。」李衛公平泉花木記及詩序云：

「後世以一花一石移於他處者，非李氏子孫。」德裕初封費皇伯，後封衛國公。唐牛僧孺傳：「治第洛之歸仁里，多致嘉石美木。」白樂天牛奇章石記云：「公嗜石，以甲、乙、丙、丁為品第。」僧孺封奇章郡公。「癡人」見前李默以墨兒餉詩注。

石美木。」白樂天牛奇章石記云：「公嗜石，以甲、乙、丙、丁為品第。」僧孺封奇章郡公。「癡人」見前李默以墨兒餉詩注。

# 沉香石

查本附李端叔次韻詩，今不載。

壁立孤峰倚硯長，

〔王注〕：唐書：張說論近世文章，曰：富嘉謨如孤峰絕岸，壁立萬仞。〔施注〕：晉王衍傳：巖巖清峙，壁立千仞。互見前游廬山詩注。

共疑沉水得頑蒼。

〔施注〕：唐本草注：沉水香，出天竺，單于二國。樹葉似橘，經冬不凋。皮色青，木似檉柳，重實黑色。沈水者是。拾遺記云：常以水試乃知。見香譜。

欲隨楚客紉蘭佩，

見前和邵同年詩注。

誰

信吳兒是木腸？

見前送張職方及復次放魚韻詩注。

山下曾逢化松石，

〔王注〕：陸龜蒙二遺詩序：東陽多名山，就中金華爲最。其間饒古松，往往化爲石。枝牀（材，琴）薦皆

其石也。舊唐書：僕骨東境，其地東北一千里有康于河，松木入水，一千年乃化爲石，其色青，謂之康于石，上有松文。檀案：白孔六帖：「回紇拔野古有川曰康于河，斷松投之，三年輒化爲石。」云云。與舊唐書略同，惟「三年」與「千年」迥

異。〔施注〕：錄異記：婺州永康山，有枯松因斷墮水，化爲石。枝幹及皮與松無異。

玉中還有辟邪香。

〔王注續曰〕：唐肅宗賜李輔國香玉辟邪，各高一尺五寸，奇巧殆非人工。其玉之香可聞數

白步。檀案：見太平廣記所引杜陽雜編。又〔王注厚曰〕：杜陽雜編：唐公主下降，乘七寶步輦，四面綴五色玉香囊，囊中貯辟邪瑞麟香，皆異國所獻也。檀案：施注亦引此條，作「自漢至唐，公主下降」云云，略同。

早知百

和俱灰燼，

〔王注〕：古詩：博山爐中百和香。杜子美即事詩：雷聲忽送千峰雨，花氣渾如百和香。〔次公曰〕：百和，香名，以衆香末合和爲之也。

未信人言弱勝剛。

〔王注〕：

老子：弱之勝強，柔之勝剛。

## 石芝并引

一本有「詩」字。王本泉石類，舊王本同。〔查注〕：抱朴子仙藥篇：五芝者，有石芝、草芝、肉芝、木芝、菌芝，各有百許種。石芝生於海隅名山，赤者如珊瑚，白者如截肪，黑者如

澤漆，青者如翠羽，黃者如紫金，皆光明洞澈如堅冰。本集北海十二石記云：登州下臨大海，沙門、龜磯、

車牛、大竹、小竹凡五島，惟沙門最近，兀然焦枯，餘皆繁翠巖絕，神仙所宅也。上生石芝。草木皆奇麗，

多不識名者。先生又自題石芝詩云：中山教授馬君，文登人也。嘗得石芝食之，故作此篇，同賦一篇。

又按：子由和詩附見第二十卷黃州條下。〔案〕：子由詩中有「中山軍府」語，安可附在黃州卷中，今仍

附載於此，并附詩引以備考：子瞻昔在黃州，夢游人家，井間石上生紫藤，枝葉如赤箭。主人言：「此石

芝也。」折而食之，味如雞蘇而甘。起，賦八韻記之。元祐八年，子與子瞻皆在京師。客有至自登州者，言

海上諸島，石向日者多生耳，海人謂之石芝。食之，味如茶，久而益甘。海上幽人或取服之，言甚益人。

客以一籃遺子瞻，遂次前韻。雞鳴東海朝日新，光蒙洲島霧雨勻。一睡石上過生耳，幽子自食無來賓。

寄書乞取久未許，箸籠蕉囊海神戶。一掬誰令墮我前？無爲知我超其數。此身不願清廟瑚，但願歸去隨

樵蘇。龜龍百歲豈知道，養氣千息存其胡。塵中學仙定難脫，夢裏食芝空酷烈。中山軍府安得聞？更試

朝霞磨鏡鐵。

予嘗一作「甘」。夢食石芝，作詩記之。今乃真得石芝於海上，子由和前詩見寄。予頃在京

師，有鑿井得如小兒手以獻者，臂指皆具，膚理若生。予聞之隱者，一本有「曰」字。此肉芝也。

〔王注〕：抱朴子內篇云：肉芝者，謂萬歲蠃蝓，千歲螭蝮，千歲龜，千歲靈龜，凡此百二十種，皆肉芝也。事見太乙玉策及昌字內記。又詩首二句下〔王注〕：神仙感遇傳：蒼靜之掘地得肉芝，類人手，肥且潤，色微紅。食之，

善同龜鶴。後不知所之。(施注)：神仙感遇記：蘭陵蕭靜之買地墓居，掘得一物，類人手，肥且潤，其色微紅。烹而食之，逾月，齒髮再生。偶遊郡都，見一道士，指其腹曰：「子之所食者，肉芝也。」(查注)：抱朴子：肉芝者，謂萬歲蟠松，頭上有角，頭下有丹書八字者，或千歲編蝠，色白如雪，或行山中，見小兒乘車馬，長七八寸者，肉芝也。並互見前富陽妙庭觀詩注。又(查注)：若溪滄陽叢話：按仙傳拾遺載：進士蕭靜之掘地得物，類人手，肥嫩，色微紅。烹而食之。後遇異人，曰：「善食仙藥。」因告之曰：「肉芝，食之者壽。」何東坡忘此耶？

與子由烹而食之。追記其事，復次前

土中一掌嬰兒新，爪指良是一一作具。肌骨勻。見之怖走誰敢食？(施注)：楞嚴經：天賜我爾

一本作「爾我」。不及寶。(王注)：易夬卦：包有魚，義不及寶也。旌陽遠遊同一許，長史玉斧皆門戶。(王注)：總仙傳：許

慕道。為旌陽縣尹，棄官入道，成於晉元康二年八月十五日。又總仙記：許肇六代孫副，副第三子邁，得道蓋竹山，為地行仙。邁字遠遊。又總仙傳：許穆為晉護軍長史，入華陽洞得道，為左卿仙侯。穆第三子翹，小名玉斧，為帝侍晨也。又(王注)：真誥記真會世譜，許尚有八男，第四邁，第五穆，即長史也。長史生三男，小男名翹，字道翔，小名玉斧。又邁字叔玄，小名映。清虛懷道，選棲世外，故自改名遠遊。續案：真誥：許尚第二子名副，副有八男，第四邁。

(原注)：洪州西山十二真君傳：許遜字敬之，弱冠，拜旌陽令。晉太康二年八月一日，拔宅上昇。東晉尚書郎邁，護軍長史穆，皆族子也。真誥：許邁弟翹，一名穆。外雖混俗務，而內修真學。紫微王夫人云：「玄光靈芝，

我當與仙官許道士，不與人間許長史。」(王注)：小名玉斧。楊權夢見一人手持二板，青字，云：「石玉斧作侍中。」

我家韋布三百年，(施注)：漢賈山傳：布衣韋帶之上，修身于內，成名于外。祇

有陰功不知數。(陰功)見前送。跪陳八簋加六瑚，(王注)：禮記：有虞氏之兩敦，夏后氏之四瑚，殷之六瑚，周之八簋。(施注)：毛詩：陳饋八簋。化

蔡冠卿詩注。

人視之真塊蘇。

見前與葉淳老詩注。

肉芝烹熟石芝老，笑唾熊掌嘖雕胡。

「笑唾」見前陳孟公詩注。〔王注次公曰〕：雕胡，菰米。爲飯極

美。劉叉詩：玉石共笑唾，驚驪相奔馳。宋玉賦：主人之女爲巨炊雕胡之飯。幼梨曰：西京雜記云：「太液池邊皆雕胡。」乃菰之有米者，長安人謂爲雕胡。〔施注〕：西京雜記：顧翔事母至孝，母好食雕胡飯，湖中後自生雕胡。老

意作藟何時脫？

〔王注〕：無常經：亦如藟作藟，吐絲以自縛。〔施注〕：傳燈錄詩公善惡不二頌：聲聞執法坐禪，如蠶吐絲自縛。白樂天赴忠州詩：獨線誰教護，蠶繭自纏紫。

夢想至人

一作空激烈。

〔施注〕：後漢王霸傳：光武曰：「夢想賢士，共成功業。」激烈見前陪歐陽燕詩注。

古來大藥不可求，

〔王注〕：白樂天詩：神仙但聞說，靈藥不可求。正一天師

內傳：天師煉九華大藥。〔施注〕：杜子美贈李白詩：苦乏大藥資，山林迹如掃。互見前凌虛臺詩注。

真契當一作常。

如磁石鐵。

〔王注〕：淮南子：磁之取火，磁石之引鐵，靈之敗漆，姜之向

日，雖有明智，不能然也。〔施注〕：漢藝文志：醫經者，至齊之得，如磁石取鐵，以物相使。呂氏春秋：磁石召鐵，或引之也。大涅槃經：譬如磁石，去鍼雖遠，以其力故，鐵則隨著。衆生佛性，亦復如是。華嚴經：如好磁石，少分之力，則

能吸壞，諸

鐵鈎鐵。

鶴歎

一本有「一首」字。王本詠物類，舊王本禽鳥類。〔施注〕：眉山唐子西博士論東坡居士作病鶴詩，

出，儼然如見病鶴矣。摺案：此段施注雖殘，而大略尚存，即查氏所引唐子西語錄也。但查氏不云原注所有，未免抹煞前人。今補全之，而刪查注。又詩人玉屑中亦載此條。

園中有鶴馴可呼，我欲呼之立坐隅。

〔王注〕：賈誼騷賦：騰入於〔余〕舍，止於坐隅。互見前秋懷詩注。

鶴有難色側睨予，

〔難色〕施注引



滿堂事，見前次韻王濠州詩注。

豈欲臆對如鷗乎？

〔王注〕：賈誼鵬賦：鷗乃歎息，舉首奮翼。口不能言，請對以臆。

我生如寄良畸孤，

〔生如寄〕見前游靈隱寺及過雲龍

山人

詩注。

三尺長脰閑瘦軀。

〔長脰〕見前愛玉女洞中水詩注。〔查注〕：案唐子西語錄云：東坡作病鶴詩云云，今題中無「病」字，疑有脫落也。

俛啄少許便有餘，

〔俛啄〕見前韓幹馬詩注。〔王注〕：陶淵明詩：傾身營一飽，少許便有餘。互見前次韻答劉溥詩注。

何至以身爲子娛？

〔王注次公曰〕：此暗使世說：支遁好鶴，有遺以雙鶴者，還曰：「既有凌雲之姿，何

肯爲人耳目玩乎？」遂放之。

驅之上堂立斯須，

〔王注〕：須臾。〔施注〕：杜子美哀王孫詩：且爲王孫立斯須。

投以餅餌視若無。

〔餅餌〕見前南園詩注。 戛然

長鳴乃下趨，難進易退我不如。

〔王注〕：禮記表記云：事君，難進而易退。〔施注〕：禮記備行：其難進而易退也，粥粥若無能也。

## 送曾仲錫通判如京師

〔王本送別類，舊王本同。〕

邊城歲暮多風雪，強壓春

香。

醪與君別。

〔施注〕：陶淵明停雲詩：靜寄東軒，春醪獨煖。〔樞案〕：邵氏聞見後錄：蘇仲虎言：有以澄心紙求東坡書者，令仲虎取

京師印本東坡集，誦其中詩，即書之。至「邊城歲暮多風雪，強壓春香與君別」，東坡聞筆，怒目仲虎云：「汝便道香醪！」仲虎驚懼久之，方覺印本誤以「春醪」爲「香醪」也。

玉帳夜談霜月苦，

〔王注次公曰〕：

玉帳，將軍帳也。古有玉帳經。杜子美送嚴公詩：空留玉帳衝。李太白司馬將軍歌云：退居玉帳臨河魁。〔施注〕：唐藝文志有玉帳經。年號記：咸通十一年，以驅勸盜徐州停貢舉，盧尚卿賦詩曰：「自從玉帳論兵後，不許金門諫獵來。」李華弔古戰場文：月色苦兮霜白。杜子美軍城早秋詩：玉帳分弓射鷹營。白樂天早朝詩：霜嚴月苦欲明天。〔查

注〕：袁卓通甲專征賦：或傍直使之游宮，或居貴神之玉帳。張漢雲谷雜記：玉帳乃兵家服勝之方位，主將於其方置

軍帳，則堅不可犯，如玉帳然。其法以月建前三位取之。如正月建寅，則已為玉帳，主將宜居之。餘推此。楠案：抱朴子：兵在太乙玉帳之中，不可攻也。

鐵騎曉出冰河裂。

〔施注〕：白樂天琵琶

行：鐵騎突出刀鎗鳴。

斷蓬飛葉捲黃沙。

楠案：李義山詩：遠逐斷蓬飄。

祇有千林鬢鬆花。

〔王注厚曰〕：曾子固云：齊地寒甚，夜氣如霧，凝於木上。日昃視

之，如雪。日出風滿庭階，尤為可愛。齊人謂之霧鬢。〔鬢鬆花〕疑即此者也。楠案：墨莊漫錄所云略同，並載曾子固霧鬢詩及先生此詩。云：「霧鬢」音夢送。〔鬢鬆〕同音。

應為王孫朝上國，

〔王孫〕

見前中隱堂詩，次韻王宰留別詩，寄王晉卿詩，趙德麟館柑酒詩注。〔施注〕：左傳昭公二十七年：上國有言曰。

珠幢玉節與排衙。

楠案：元微之詩：珠幢夜靜風珊珊。〔玉節〕見前謝遣使詩注。〔排

衙〕見前葉教授和馮字韻詩注。

左援公孝右孟博，我居其間嘯且諾。

見前趙郎中見和詩注。

僕夫為我催歸來，要與北海

春水爭先回。

### 和錢穆父送別并求頓遞酒

〔王本送別類，舊王本同，題首皆有「次韻」二字。七集本注〕次韻二字於題末。〔查注〕：頓遞酒，未詳。楠案：續通鑑長編：真宗

景德三年九月，上謂輔臣曰：「明德皇后園陵，頓遞所司，頗擾於人。」詔取宮掖及諸王院一行人數付御廚。徐度却掃編：官制行後，凡大禮猶準唐故事置五使，橫道，頓遞使則京尹為之。惟頓遞司例造酒分

餉近臣，京師稱頓遞可酒為最美。

聯鑣接武兩長身，楠案：庾信辛威碑：公侯踵武，岳牧連鑣。又「接武」見前次韻路分上元詩注，「長身」見前孔長源挽詞注。

鷓鴣行中笑語，一作「語」。

親。

〔鷓鴣

行見前官舍小閣及次韻定國見寄詩注。

九子羨君門戶壯，〔王注厚曰〕：先生嘗云：「錢四莫亂與他名字。」然穆父是時已有九子，遂以「九子母丈夫」目之。互見次韻送錢蒙仲題注。

八州憐

我往來頻。

〔王注次公曰〕：先生自杭倅徙知密州，又徙徐，又徙湖。及哲宗即位，知登州。元祐四年知杭，六年知穎，七年徙楊，至此又知定州。前後凡八州也。

佇聞東府開寶閣，

王注引公孫弘事，見前次韻王壽詩注。

便乞西湖洗塞塵。

〔王注厚曰〕：先生云：「本欲乞鑑湖，熟東府對耳。」

更向青齊覓消息，

〔施注〕：三國志魏管寧傳：嘗使

經營消息。要知從事是何人。

〔青州從事〕，見前次韻王蒙詩注。

### 劉醜斯詩

王本書事類，舊王本雜賦類。

劉生望都民，

〔王注次公曰〕：望都，定州麗縣也。〔施注〕：唐地理志：定州望都縣。〔查注〕：水經注：博水出望都縣，東南流逕其縣故城。帝世紀：堯母慶都出觀三河，赤龍與合而生堯，有望都山。太平寰宇

記：都山一名豆山，堯母望之，故有望都之號。元和郡縣志：望都縣，西南至定州五十里。

病羸寄空窠。

〔檢案〕：廣韻：窠，燒瓦窠也。同窠。

有子曰醜斯，十二行

操瓢。

〔施注〕：莊子盜跖篇：無異於犛犬流豕，操瓢而乞者，皆聲名輕死，不念本養壽命者也。

墻間得餘粒，

〔王注〕：孟子注云：墻間，郭外家間也。

雪中拾墮樵。

〔王注〕：王介甫詩云：老妻靡上收遺棄，穉子林間拾墮樵。

飢飽共生死，水火同焚漂。病翁恃一褐，度此積雪宵。哀哉二暴

客，〔王注〕：易：重門擊柝，以待暴客。

擊去如飢鴉。翁既死於寒，客亦易此齏。

〔齏〕字見前哭任遵聖詩注。〔檢案〕：五注本、舊王本皆作「齏」，趙次公注

曰：「貂者，貂鼠也，其皮可為裘。前曰「褐」，又曰「此貂」，蓋一毛裘也。」

〔施注〕：漢高祖紀：及壯試吏，為泗上亭

長。互見前卷。

不憚雪徑遙。我仇祝與苑，

〔一作〕物色同遮邀。

〔王注次公曰〕：祝與苑，兩賊之姓也。〔物色〕，察其人謂之，如韓退之桃源行

「物色相猜更問語」也。〔施注〕：後漢嚴光傳：帝思其賢，乃令以物色訪之。揚子雲校獵賦：前後遺逸。

行路為出涕，

〔施注〕：後漢范滂傳：行路聞之，莫不流涕。二客

臬。

〔王注〕：避齊聞賢云：百勞，一名臬，能捕燕雀小禽食之，又能禁蛇。以其食母不孝，故古人賜臬羹，又標其首於木。故後人標賊首以示衆者謂之臬首。〔施注〕：漢高祖紀：臬故塞王欣頭樓陽市。注云：臬，縣首于木上。

讒譏訴我庭，

〔施注〕：見前百步洪詩注。

慷慨驚吾僚。

曰此可名寄，迫配柳之莠。恨我非柳子，擊節為爾

一作「我」，謠。

〔施注〕：白樂天續古詩：擊節獨長歌。

官賜二萬錢，無家可歸嬌。

〔施注〕：宋樂志古詞白頭吟：兩樵相推與，無親誰為嬌。為媾

他日婦，婉然初垂髻。

〔施注〕：魏志毛玠傳：臣垂髮執簡。

洗沐作小史，

〔一作〕吏。〔王注〕：漢書：翟方進少孤，給事太守府，為小史。〔史〕。

裏頭束其

腰。

〔王注〕：杜子美兵車行云：去時里正為裏頭。〔施注〕：柳子厚童區寄傳：童寄者，郴州義牧兒，年十一歲。二豪賊劫持，反接，布囊其口，去處所賣之。寄偽兒啼，恐慄為兒恆狀。賊易之，對飲酒，一人去市，一人卧植刀道上。童以縛背刃，力下上，得絕。因取刃殺之。逸未及遠，市者還，將殺童。遽曰：「為兩郎僮，孰若為一郎僮耶？」市者善之。持童，愈束縛，牢甚。夜半，童以縛即爐火燒絕之，復取刃殺市者。因大號，一虛皆驚。吏白州，州白大府。刺史願證奇之，留為小史。不

肯。與之衣裳，護還之鄉。

筆硯耕學苑，

〔王注〕：張著翰林盛事：王勃能文，請者甚衆，金帛盈積。人謂心織而衣，筆耕而食。〔施注〕：世說：王戎云：「以洪筆為鋸末，紙札為良田。」

弓，

〔一作〕矛戰天驕。

〔天驕〕見前寄劉孝叔詩注。

壯大

〔一作〕土，隨爾好，忠孝福可徵。〔施注〕：左傳僖公四年：楚屈完對齊侯曰：

〔史〕。

〔天驕〕見前寄劉孝叔詩注。

壯大

〔一作〕土，隨爾好，忠孝福可徵。

〔施注〕：左傳僖公四年：楚屈完對齊侯曰：

「君惠微福於  
敝邑之社稷。」

相國有折脇，

〔王注〕：史記：范雎事須賈，賈使齊，雖從。齊王賜雎金及牛酒，雎不敢受。賈以雎持魏國陰事告齊，故得此讎。歸告魏齊，大怒，使舍人笞擊雎，折脅摺齒。雎伴死得

出，後亡入  
秦拜為相。

封侯或吹簫。

〔施注〕：漢周勃傳：常以吹簫給喪事。後從高祖封條侯。

人事豈易料，勿一作無輕此一作比。焦僂。

〔王注〕：國語：焦僂氏長三尺，短之至也。〔施注〕：列子湯問篇：從中州以東四十萬里，得焦僂國，人長一尺五寸。

### 題毛女真

王本書畫類，舊王本同。〔王注〕：列仙傳：毛女字玉姜，在華陰山中。山客獵師世世見之，形體生毛。自言始皇宮人，秦亡入山。食松葉，遂不飢寒。〔查注〕：抱朴子：漢成帝時，

有獵者於終南山中見一人，無衣服，身生黑毛，踰坑越谷，有如飛騰。密伺其所在，乃是婦人。言：「本是秦之宮人，入山，飢無所食。有一老翁教我食松葉、松實，遂不飢不渴，冬不寒，夏不熱。」計此女是子嬰宮人，至成帝之世三百許歲。向使不為人所得，便成仙矣。〔王氏原注引列仙傳與此小異，未詳孰是。

霧鬢風餐木葉衣，

〔王注〕：異聞集載：唐儀鳳中，有柳毅客於涇陽，見婦人牧羊於野，風餐雨

山川良是昔人

非。

王注引丁令威事，見前中隱堂詩注。又〔施注〕：神仙傳：蘇仙公化白鶴來桂陽郡，以爪攫樓板，以漆書云：城郭是，人民非，三百甲子一來歸。

祇應閒過商顏老，

〔王注次公曰〕：四皓，避秦之老人。而毛女，避秦之宮人。皆同時。用之為當體矣。〔施注〕：漢張良傳：顧上有所不能致者四人，四人年老矣，皆以上媿媿士，故逃匿山中。注云：南山四皓也。〔查注〕：水經注：楚水流出上洛縣

西南楚山，其水兩源，合於四皓廟東。高士傳：南山曰商山，亦稱楚山。漢四皓，河內軹人，避秦於商山。古老傳云：商州有商君、商國、商寨、商密、商顏，曰五商。漢武帝時，臨晉民引洛水至商顏下，岸善崩，往往為井，相通行水。水

類，以絕商誦矣。檣案：此條雜採名勝志之文。

### 獨自吹簫月下歸。

王注引列仙傳蕭史事，見前留題延生觀詩注。施注引杜牧之詩，見前賦在穎州詩注。

### 寄留合刷餅與子由

王本簡寄類，舊王本同。〔施注〕：此詩真跡臨川黃揆嘗刻於整俸廳事。公自題其尾云：「元祐八年十二月二十五日，醉睡中作。」檣案：爾雅：饋，餽也。玉篇：餽，飯氣蒸也。饋，合當即飯餽之類。刷餅未詳。

也。玉篇：餽，飯氣蒸也。饋，合當即飯餽之類。刷餅未詳。

### 老人心事日摧頹。

〔雅類〕見前初到杭州詩，龜山詩，侍立瀟英詩，次京師詔詩注。

### 宿火通紅手自焙。

〔施注〕：鄭策贈老僧詩：宿火焙爐灰。

### 小甌短餅

### 良具足。

檣案：洛陽伽藍記：光相具足。

### 穉兒嬌女共燂煨。

### 寄君東閣開烝栗。

〔施注〕：杜子美復至東屯詩：山家烝栗暱。

### 知我空堂坐

### 畫灰。

〔畫灰〕見前姪安節遠來詩注。〔王注續曰〕：詩話中載孫勣夜坐詩云：畫多灰漸冷，坐久席成痕。

### 約束家僮好收拾。

〔施注〕：史記漢高祖紀：待諸侯至而定約束耳。互見前河復詩注。又〔施注〕：後漢光武紀：吏人死亡不能收拾者，為尋求之。互見前和太虛梅花詩注。餘見前陳漢卿家詩注。

注。又〔施注〕：後漢光武紀：吏人死亡不能收拾者，為尋求之。互見前和太虛梅花詩注。餘見前陳漢卿家詩注。

### 故山黎棗待歸翁。

一作來。

### 次韻子由清汶老龍珠丹

王本題詠類，舊王本醫藥類。〔查注〕：清汶考，失考。按樂城集中失原作。

### 天公不解防癡龍。

〔施注〕：劉慶忌幽明錄：洛下一洞穴，深不可測。有婦人推其夫墮穴中，良久方甦。旁得一穴，入一都。郭郭秦檜，悉以金塊為餉，人皆長三丈。因告哀求去。長人引令過九處，最後所

docsriver 文川网  
入驻商家 古籍书城

在文川网搜索古籍书城 获取更多电子书

至，苦飢餓。長人指中庭柏樹下一羊，令跪搏羊鬚。初得一珠，長人取之。次得一珠，亦取之。後得一珠，令取噉之，甚得療飢。因問九處之名。答曰：「還問張華可知。」其人復隨穴而出，至交州。七八年間方歸洛，詣華問之。華曰：「是崑崙下地仙九館，羊名爲癩鹿。初一珠，食之與天地等壽。第二珠，食之可以延年。第三珠，充飢而已。」□□說亦云。摺案：王本鎮注引北夢瑣言略同。考今本北夢瑣言無此條，已刪。玉函寶方出龍

宮。

〔王注〕：酉陽雜俎：孫思邈常隱終南山，時大旱，西域僧請於昆明池結壇祈雨。凡七日，縮水數尺。忽有老人詣宣律和尚求救。曰：「弟子昆明池龍也。」宣公曰：「可求孫先生。」老人因至思邈石室求救。孫謂曰：「我知

昆明龍宮有仙方三千（十）首，爾傳與予，予將救汝。」老人曰：「此方上帝不許妄傳，今急矣，固無所怪。」有頃，捧方而至。孫曰：「爾第還，無慮。」自是池水忽漲，數日溢岸。胡僧素志而死。〔查注〕：隋書經籍志：玉函寶方五卷，葛洪撰。續仙傳：孫思邈放一小蛇，月餘出行，見一白衣少年，引入涇陽水府。一女子命其子：「取龍宮藥方三十首與先生。」俄送歸山，歷試諸方，皆若神效。後著千金方三十卷，散龍宮方在其內。雷霆下索無處

避，〔施注〕：韓退之詩：仙官救六丁，雷電下取將。

逃入先生衣袂中。

〔王注〕：僧史：僧聞禪師住鄂武山中，一日，有老人來謁，聞曰：「我龍也。以疲惰行雨不職，上天有罰當死，賴道力可

脫。」俄失所在。聞視坐榻傍，有小蛇尺許，延緣入袖中，屈蟠。暮夜，風雷狹坐榻，電碎雨射，山岳爲搖，而聞危坐不傾。連日。晴霽，垂袖，蛇墮地而去。互見前荆門惠泉詩注。施注引楞嚴經：衣中繫如意珠一語，見前次韻潛師放魚詩注。

先生不作金椎袖，玩世徜徉隱屠酒。

〔施注〕：漢淮南厲王傳：辟陽侯出見之。即自袖金椎推之。史記魏信陵君傳：公子無忌從車騎，虛左，白迎夷門侯生。侯生又謂公子

曰：「臣有客在市屠中。」公子引車入市，下見其客朱亥。侯生謂公子曰：「臣所過屠者朱亥，此子賢者，世莫能知，故隱居閭耳。」魏安釐王二十年，秦昭王已破趙，又進兵圍邯鄲。平原君請救于魏。魏王使將軍晉鄙將十萬衆救趙。秦王使

使者告魏：「敢救者，移兵擊之。」魏止晉鄙。公子矯魏王令代晉鄙，晉鄙疑之。朱亥袖四十斤鐵椎，椎殺晉鄙，公子遂得晉鄙軍。互見前朱亥墓詩注。又〔施注〕：漢東方朔傳贊曰：依羅玩世，詭時不達。楚辭惜誓：託阿風兮徜徉。夜

光明月空自投，見前次韻秦觀詩注。

一鍛何勞緯蕭手？〔王注〕：莊子列禦寇篇：河上有家貧恃緯蕭而食者，其子沒於淵，得千金之珠。其父謂曰：「取石來，鍛之！夫千金之



珠必在九重之淵，驪龍領下。子能得之者，必遺其睡也。」互見前王寅二月詩注。  
黃門寡好心易足，〔施注〕：唐百官志：門下侍郎，龍朔二年改黃門侍郎。按子由時爲門下侍郎。互見前召還至都門詩注。

荆棘不生黎棗熟。  
見前次韻子玄珠白璧兩無求，〔王注〕：莊子天地篇：黃帝遊乎赤水之北，遺其玄珠。又「白璧」見前送錢藻詩注。無脛

一作金丹來入腹。  
〔無脛〕見前次韻米黻及再送周正孺詩注。〔金丹〕見前洞霄宮詩、聖燈巖詩、送齊全詩注。  
〔王注〕：靈樞經扁鵲注曰：化靈爲蛇女之髓，十月分胎，狀如紫金，上赤下黑，左青右白，其

中央黃，號曰紫金丹。區區分別笑樂天，〔施注〕：文選李少卿答蘇武書：區區之心，竊慕此耳。那知空門不是仙！〔王注〕：白樂天詩曰：我學空門非學仙，恐君此說是

虛傳。海山不是吾歸處，歸則須歸兜率天。互見前竹間詩注。

### 次韻子由書清汶老所傳秦湘二女圖

王本書畫類，舊王本同。〔王注次公曰〕：韓退之詩：秦地吹簫女，湘波鼓瑟妃。所謂二女，豈畫此

者乎？〔查注〕：按樂城集此章亦失去原作。

春風消冰失瑤玉，我本無身安有觸？〔王注〕：楞嚴經：物不觸知，身知有觸。知身即觸，知觸即身。〔查注〕同，又引楞嚴經云：即觸非身，即身非觸。身觸二相，原無處所。

又云：舜若多神，無身覺觸。如來光中，映令暫見。既爲風質，其體元無。注云：舜若多，主空神也。其質如風，而能覺觸。  
羊生得婦如得風，握手一笑未爲辱。〔王注〕

次公曰：羊生，晉羊權也。真諦：女仙尊綠華詩云：羊生標美秀。又，真諦載：金臺李夫人之少女九華真妃降權，云：冥運之會，有松蘿之纏。權有謙飾之辭，南岳夫人曰：冥期數感，蓋示有偶對之名，不必苛循世中之繁穢，而行